



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 19. Quæstio de residentia rursus agitata.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

bita cum Cæsareis, quibuscum con-
 junctim agere jubebantur, haud ulterius
 procedendum existimabant, dummodo
 in Synodi actis nulla de continuatione
 mentio fieret: prospiciebant enim, quod
 concilii dissolutio inde secutura sit, si
 Hispanorum voluntati, qui etiam in
 prima sessione continuationis declara-
 tionem vehementer sollicitarunt, nimis
 pertinaciter resisteretur.

Sæcul. XVI.
A.C. 1562.

§. XIX.

Quæstio de residentia rursus agitata.

Appropinquante Sessionis ad quartam
 Junii diem indictæ tempore, ac Le-
 gatis nullum articulum ibi decidendum
 proponentibus, denuo quæstio de Re-
 sidentia movebatur, atque illi, qui
 hanc legem juris esse divini contende-
 bant, Principum Oratores sollicitabant,
 quatenus rem decidi postularent, caus-
 fantes, indecorum fore, si quæstio to-
 ties agitata, indecisa tamen relinque-
 retur, eoquod inde suspicandi ansa sup-
 peditaretur, perinde ac si ex privato
 quodam commodo ageretur, cum Præ-
 fulum potior æque, ac nobilior pars
 hanc definitionem exoptaret. Hæc pro-
 positio Legatos haud parum turbabat,
 qui tamen duntaxat allegabant, quod
 hæc quæstio haud levis esset mo-
 menti, nec satis adhuc discussa, atque

Sarpæus
 l. 6. p. 403.

Sæcul. XVI
A.C. 1562.

ad exactam illius discussionem usque ad proximam Sessionem nimis arctum intercederet temporis spatium. Post ea fervente contentionis ardore Præfulum plures reclamare, ac inde recedere statuerunt, quinimo nonnulli reipsa discessissent, nisi Oratores Synodi dissolutionem veriti, cum in hoc Papæ votis cedere nollent, suis petitionibus haud ultra institissent, sed potius Hispanos eo inclinassent, ut nec ipsi amplius declarari peterent, quod conventus nunc indictus non sit novum Concilium, sed duntaxat prioris continuatio: hæc Hispanorum mutatio Legatos eo inducebat, ut scriptotenus declararent, quod justis de causis proxima Sessio propositarum quæstionum decisionem ad aliam Sessionem rejectura foret.

§. XX.

Cæsareorum, & Gallorum petitio de fidei dogmatibus non discutiendis.

Postea Cæsaris æque, ac Franciæ Oratores proponebant, quod, cum quæstio de residentia in Sessione proxima decidi non possit, neque etiam de fidei dogmatibus in Protestantium absentia ageretur, nisi prius de eorum contumacia liquido constet, cum nullius utilitatis